

Ա. ՀԱՏԻՏՅԱՆ

ՊԱՇՏՊԱՆ ՀԱՅՐԵՆԵԱՅ  
ՆԵՐՍԷՍ Ե ԱՇՏԱՐԱԿԵՑԻ ԱՄԵՆԱՅՆ ՀԱՅՈՑ ԿԱԹՈՂԻԿՈՍ  
(1770—1857)

Հոկտեմբերյան այս օրերին մեր ողջ հանրապետությունում և միութենական բազում քաղաքներում հանդիսավորությամբ և լայնորեն նշվեց Արևելյան Հայաստանի՝ Ռուսաստանի հետ միավորման 150-ամյակը, որպես հայ և ռուս ժողովուրդների եղբայրության, անխախտ միասնության և, միաժամանակ, հայ մշակույթի և արվեստի փառատուն:

Այս պատմական հանդիսությանը Մայր Աթոռ ս. Էջմիածինը ևս, Հայոց Հայրապետի նախագահությամբ և Նրա ողջույնի խոսքով («Էջմիածին» ամսագիր, սույն համար, էջ 12), բերեց իր օրհնությունը, հոկտեմբերի 3-ին, Վեհարանի դահլիճում գումարված հանդիսավոր միսսով, որին ներկա էին նաև սփյուռքի թեմերից Հայոց Հայրապետի ծննդյան 70-ամյակին և գահակալության 23-րդ տարեդարձին ուխտավորաբար Մայր Աթոռ ժամանած բարձրատիճան հայ հոգևորականներ և աշխարհական պաշտոնական անձնավորություններ:

Հանդիսությանը ներկա էին նաև Հայոց Հայրապետի ծննդյան 70-ամյակի հանդիսությունը մասնակցող ռուս և վրաց եկեղեցիների պատվիրակություններ:

Արևելյան Հայաստանի միավորումը Ռուսաստանի հետ շրջադարձային նշանակություն ունեցող պատմական իրադարձություն էր, որով Արևելյան Հայաստանի հայությունը փրկվեց ֆիզիկական ոչնչացման

սպառնալիքից: Նրա առաջ բացվեցին ազգային համախմբման հնարավորություններ, նախադրյալներ ստեղծվեցին նաև արևելահայության եկեղեցական-մշակութային, հասարակական և տնտեսական զարգացման համար նրա պատմական ճակատագրում՝ նրան ազատելով պարսկական դարավոր տիրապետության դաժան լծից:

Այս հաղթանակը ձեռք բերվեց հերոսական ջանքերով ռուս և հայ զինվորների անձնագործ պայքարի, համատեղ թափված արյունի:

Կիլիկիայում 1875 թվականին մեր վերջին պետականության՝ Ռուսիայի թագավորության անկումով հայ եկեղեցին, Մայր Աթոռ ս. Էջմիածնի գլխավորությամբ, փաստորեն իր ձեռքում էր կենտրոնացրել նաև հայ ժողովրդի քաղաքական առաջնորդությունն ու ղեկավարությունը, որպես «Հայոց կրոնական համագգային կենտրոնի», մանավանդ ժԵ—ԺԸ դարերում, երբ հայ ժողովրդի արևմտյան և արևելյան հատվածները հեծում էին օսմանյան և պարսկական լծի տակ:

Հայ եկեղեցին, Մայր Աթոռ ս. Էջմիածնի ղեկավարությանը ներքո, սրբությամբ և պատվով կատարեց իր հայրենասիրական, քաղաքական փրկարար այս առաքելությունը մեր ժողովրդի կյանքում:

ԺԵ—ԺԸ դարերում հայ ազատագրական շարժման պատմության մեջ իրենց հայրե-





ՎԵՐԻՆԵՆ Ե ԱՇՏԱՐԱԿԵՑԻ



նասիրական-քաղաքական գործունեությամբ երախտագիտությամբ են հիշվում անունները Ստեփանոս Սալմաստեցի, Միքայել Սեբաստացի (ԺԶ դար), Հակոբ Դ Ջողապետցի (ԺԷ դար), Հակոբ Շամսխեցի, Սիմեոն Երևանցի (ԺԸ դար) կաթողիկոսների և Հովսեփ արքեպիսկոպոս Արղությանի (1780—1800), որոնք հայ ազատագրական շարժման երկարատև և անարդյուն փորձերից հետո հայ ժողովրդի ազատագրության, հույսը կապեցին Ռուսաստանի հետ<sup>1</sup>:

«Հայ ժողովրդի ռուսական կողմնորոշումը ունեցել է պատմական առարկայական արմատներ, որոնք ձևավորվել են 16-րդ—18-րդ դարերում մի շարք հայոց կաթողիկոսների ջանքերով: Այդ կողմնորոշումը վեր է ամփել ազգային-ազատագրական շարժման գաղափարախոսության»:

Արդարև, քրիստոնյա Ռուսաստանն էր ան միակ և հուսալի ուժը, հզոր պետությունը, որը կարող էր հաջողությամբ պսակել հայ ժողովրդի ազգային-ազատագրական հույսերը:

Սիմեոն Երևանցի կաթողիկոսի օրով «1768 թվականը կրճաճ և կատել իբր հիմն և արմատ այն սերտ հարաբերության, որ հաստատվեցավ Հայոց կաթողիկոսության և Ռուսաց կայսրության միջև որ հառաջանալով և անելով հանգեցավ ռուսական տիրապետության Հայաստանի մի լավ մասին և մի լավ կեսին վրա»<sup>2</sup>:

Քաղաքական այս նոր կողմնորոշման և Արևելյան Հայաստանի Ռուսաստանի հետ միավորման պատմական իրադարձության մեջ, 1826—1827 թվականներին, ռուս-պարսկական երկրորդ պատերազմի ժամանակ, վճռական դեր կատարեց Մայր Աթոռի միաբան, վրահայոց թեմի առաջնորդ տ. Ներսես արքեպիսկոպոս Աշտարակեցին, որը պատմության անցավ որպես Ներսես Ե կաթողիկոս Աշտարակեցի, Պաշտպան հայրենյաց տիտղոսով:

Հայրենասիրությունը Աշտարակեցու հոգու ամենախորը հրալույսն է եղել դեռևս Էջմիածնում, ուսանողական, երիտասարդական տարիներից:

Աշտարակեցին միշտ մտածել է «ի փառաց գրկեալ ողորմելի» մեր հայրենիքի և ազգի «ապաբախտության» մասին և ծրագրել է հայ ժողովրդի ազատությունն ու ազատագրումը իր «բազմամեայ փորձառությամբ» և «հարուստ յուսով անկասկածելի հովանաւորութեանց ամենաբարեպաշտ հը-

գոր Տէրութեան Ռուսաց», ինչպես ինքը վկայում է նախարար հլուդովին գրած իր նամակում:

1850 թվականի մարտի 11-ին կոմս Վորոնցովին գրած իր նամակում Աշտարակեցին վկայում է նաև, որ 1825 թվականին Էջմիածին է այցելում Հնդկաստանից եկած անգլիացի միսիոնար Ժոզեֆ Վոլֆը, որը Եփրեմ կաթողիկոսին և իրեն առաջարկում է ընդունել անգլիական հովանավորությունը: Աշտարակեցին հանուն կաթողիկոսի և Մայր Աթոռի Վոլֆին տվել է հետևյալ կրտուկ և ճշգրիտ պատասխանը.

«Դեռ 200 տարի առաջ հայը հովանավորություն սպասում էր միայն Ռուսաց պետությունից, թե մեր նախնիքներն ու հայրերը, չարժանանալով այդ հովանավորության, կտակեցին իրենց երախաներին թե երբ կգա այդ հովանավորությունը, հայտնեն իրենց գերեզմաններին և այն ժամանակ կհանգստանա իրանց աճյունը: Եվ այժմ, երբ արդեն եկել է մեզ մոտ սպառնող հովանավորությունը և մենք բախտ ունենք նրանից օգտվելու, էլ ի՞նչ կարիք կա ուրիշ պետության հովանավորությունը որոնելու: Ռուսաց կայսրը ինքը հոգ կտանի հայ ժողովրդի բարօրության մասին և Նորին Մեծության բարձրագույն հովանու տակ ես ինքս կարող եմ ամենուրեք, ուր էր հարկավոր է, հիմնել և բաց անել դպրոցներ, որոնց մեջ կավանդվեն հայոց դավանությունն էլ, լեզուն էլ, մի խոսքով, Ռուսաց կառավարությունն ինքը կանի մեզ հաշերի: համար այն ամենը, ինչ կարող է ամրապնդել հայ ժողովրդի բարեկեցությունը և բարօրությունը»<sup>3</sup>:

Աշտարակեցին ծնվել է 1770 թվականի փետրվարի 13-ին Արագածոտն գավառի Աշտարակ գյուղում, հայ քահանայի ընտանիքում:

Աշտարակեցու հայրը՝ տ. Հարություն քահանան, «ջաղացպանութենն եկած, աղքատ դասակարգի կապտկաներ»<sup>4</sup>:

Աշտարակեցին իր նախնական կրթությունը ստացել է իր կնքահայր տ. Գալուստ արքեպիսկոպոսի մոտ և ապա, որպես «ս. Էջմիածնի իշման տեղին և միլիված ուխտի գավակ», ութ տարեկան հասակում ընդունվում է Սիմեոն Երևանցու օրոք Մայր Աթոռում բացված Ժառանգավորաց վարժարան:

<sup>1</sup> «Էջմիածին» ամսագիր, 1978, № Է, էջ 20—28, № Ը—Թ, էջ 72—78:

<sup>2</sup> Մաղաքիա արքեպիսկոպոս Օրմանյան, Ազգապատում, հատոր Բ, Կ. Պոլիս, 1914, էջ 3057:

<sup>3</sup> Գործ Հայրապետական դիվանի, 1845, № 12: Տես նաև Լեո, Պատմություն Երևանի հայոց թեմական հոգևոր դպրոցի, Թիֆլիս, 1914, էջ 96—97:


<sup>4</sup> Մաղաքիա արքեպիսկոպոս Օրմանյան, նույնը, էջ 3299:



Աշտարակեցիներն ֆիզիկապես եղել է «վրտիտ, միհար, կարճահասակ, բայց ուսման մեջ հառաջադեմ, աշխույժ և կրակոտ, սրամիտ և հնարագետ, զարմանալի հիշողությամբ տեր, աշխատասեր, ընթերցասեր»<sup>5</sup>:

մունքների և խտացնում է իր մեջ Աշտարակեցու հայրենասիրական ողջ գործունեությունը:

Մինչև ժԹ դարի ստաջին քառորդը Հայաստանը գտնվում էր Պարսկաստանի և



Ներսես Ե Աշտարակեցի, ի գլուխ Մայր Աթոռի միաբանության, դիմապորտում է ուսաց գործին և հայ կամավորական գնդին (1827 թ. օգոստոս)

Աշտարակեցին 12 տարի սովորում է Մայր Աթոռի Ժառանգավորաց վարժարանում: 1791 թվականին սարկավագ, 1796-ին վարդապետ է ձեռնադրվում: «Հասակով ու կազմով այս մանր մարդու... հոգվով ու սիրտով մեծամեծներու ձգտող և գործունեությամբ չափ ու կոպար չգիտցող» (Օրմանյան, նույնը) Աշտարակեցու առաջ բացվում է վանական-վարչական, կրթական ու հայրենասիրական գործունեության լայն ասպարեզ:

1814 թվականի մարտին Աշտարակեցին, 44 տարեկան հասակում, իր հոգևոր ու իմացական ուժերի ծաղկման և հասունության շրջանում, նշանակվում է վրահայոց թեմի առաջնորդ և 1826—1827 թվականներին, ուսուպարսկական պատերազմի ժամանակ, վնասված ու պատմական դեր է կատարում այդ իրադարձության մեջ:

Այս առթիվ նա իրավամբ իր կատարած հայրենասիրական մեծ գործունեության համար կոչվում է **Պաշտպան Հայրենեաց**: Այս ճշմարիտ բնութագիրը արտահայտությունն է հայ ժողովրդի երախտագիտական գգաց-

սությանական Թուրքիայի լծի տակ: Այս շրջանը մեր պատմության ամենադաժան և մոռյալ ժամանակահատվածն է համարվում:

Թուրքիան և Պարսկաստանը հրով և սրով նվաճել էին մեր երկիրը և բաժանբաժան արել այն: Հայաստանը տնտեսական հարստահարություններից և քաղաքական ծանր ճնշումից բացի ենթարկվում էր նաև ազգային-կրոնական հալածանքների, ֆիզիկական բնաջնջման և ձուլումի:

Նկարագրելով այդ շրջանում հայ ժողովրդի ապրած ծանր վիճակը, նրա ցավերով այրվող Խաչատուր Աբովյանը գրում էր. «Ո՛չ տունն էր իրանը, ո՛չ մալը, ո՛չ ապրանքը, ո՛չ ջանը, ո՛չ օղիուշաղը, չես իմանում, թե ո՛ր ես, երկրո՞ւմը, թե դժոխքումը»:

ԺԹ դարի ստաջին քառորդին ուժեղանում է Անդրկովկասի ժողովուրդների ազատագրական պայքարը պարսկական և թուրքական տիրապետության դեմ: Դրան նպաստում էր նաև Ռուսաստանի վարած արևելյան քաղաքականությունը: Այդ գործում Ռուսաստանը հենվում էր Անդրկովկասի ժողովուրդների աջակցության վրա:

Անդրկովկասի ժողովուրդները իրենց ազատագրական պայքարի բախտը վաղուց ի վեր կապել էին Ռուսաստանի օգնության

<sup>5</sup> Ալեքսանդր Կ Երիցեանց, Պատմություն 75-ամեայ գոյութեան Ներսիսեան հոգևոր դպրոցի, Թիֆլիս, 1898, էջ 2:



հետ: Արտաքին թշնամիների դեմ մղվող պայքարում նրանց շահերը համընկնում էին միմյանց:

1800—1813 թվականներին շարունակվում են ռուս-պարսկական առաջին կռիվները:

Ի վերջո 1813 թվականի հոկտեմբերի 12-ին կնքվում է Գյուլիստանի (Ղարաբաղ) դաշինքը<sup>6</sup>:

Գյուլիստանի պայմանագրով թեև ավարտվեց ռուս-պարսկական պատերազմը, բայց կայուն խաղաղություն և դրացիական բարի հարաբերություններ չհաստատվեցին Ռուսաստանի և Պարսկաստանի միջև:

Եվրոպական պետությունները, հատկապես Անգլիան և Ֆրանսիան, ակտիվ կերպով միջամտում էին Պարսկաստանի ներքին գործերին և նրան հրահրում նոր պատերազմի: Իսկ Պարսկաստանը ձգտում էր խել իր կորցրած հողերը և կրկին ամրապնդել իր դիրքերը Անդրկովկասում:

1826 թվականի հունիսի 18-ին Պարսկաստանի Աքբա-Միրզա թագաժառանգը 60 հազարանոց բանակով ներխուժում է Ղարաբաղ, Գյուլիստանի դաշինքը վերանայելու ձգտումով:

Պարսկական զորքերի ներխուժումը չափազանց ծանր դրություն է ստեղծում, մանավանդ հայերի համար: Պարսիկները «Հայերին դիտում էին իբրև» Ռուսաստանի բնական դաշնակցի և ձգտում էին ֆիզիկական բնաջնջման միջոցով «վերջ տալ նրան» (Գ. Ա. Գալոյան, նույնը, էջ 189):

Թշնամու առաջին իսկ հարվածները մեծ վնասներ են հասցնում հայ ժողովրդին:

Երևանի Հյուսեին խանը և մանավանդ նրա եղբայր Հասան խանը իրենց ողջ ատելությունը թափում են հայերի վրա, որպես Ռուսաստանի հավատարիմ տարրի. «Ով էս սրհաթը Երևան է մտել,—գրում է Սքովյանը,—հենց կիմանար թե ջրհեղեղը նոր ա եկել, աշխարհքս քանդել: Սպարանը դառել էր դասալիսանա: Օր չէր ըլում, որ սարից, չուից մարդ չի բռնեն ու Հասան խանի առաջ չբերեն: Առանց մարդ սպանելու, մեկ օր աչքը չէր կայցնում, քար չկար մեր երկրում, քո չկար, որ հալի արևով ներկած չլի, սրանց ամեն մեկի սրտում հազար թուր կա ցցած»:

Օրհասական այս վտանգից ազատվելու համար հայ ժողովուրդը իր ողջ հույսը դրել էր Ռուսաստանի վրա:

1826 թվականի հուլիսի վերջերին Թիֆլիսում կառավարչապետ, գեներալ Ա. Պ. Երմոլովի մոտ հրավիրվում է ռազմական

խորհուրդ, որին մասնակցում է նաև Ներսես Աշտարակեցին: Նրան վիճակվել էր այդ վճռական պահին կատարել հայրենասիրական, փառավոր և հերոսական գործունեություն:

Աշտարակեցին 1826 թվականի հուլիսի 29-ին, ռազմական խորհրդից հետո, մի հայրենասիրական, կրակոտ շրջաբերական կոչով, հայոց պատմության հերոսական դրվագների ոգեկոչմամբ նկարագրում և շեշտում էր ստեղծված վտանգավոր և օրհասական կացությունը, դիմում էր «պատվական հայոց ազգին, որ միշտ հավատարիմ հպատակ է եղած քրիստոսաւեր կայսրությանն ռուսաց և բնակվում է Թիֆլիսում, Եիզապետոպոլում, Ղարաբաղում, Նուխիում, Ծամախում, Բաքու, Դերբենտ, թե՛ քաղաքներում և թե՛ գյուղերում, հոգևորականաց և աշխարհականաց», որ գեներալներին հասարակաց թշնամու՝ պարսիկների դեմ Մակարայեցիների և Վարդանանց հերոսական օրհնակով. «Մեռցուք քաջութեամբ ի վերայ եղբարց մերոց և մի՛ խառնեցուք զանում վատութեան ընդ արութիւնս քաջութեան... եւ այդպիսով ժառանգեմք մեր նախնեաց պանծալի անունն ու փառքը»: «Մեր ազգի հավատարմությունը,—շեշտում էր Աշտարակեցին,—անասանելի է... հայտնի է ձեզ նաև Ռուսիո օգուտաւիտ պետության նպատակը: Նա յուր հզոր բազուկը տարածեց մեր հայրենաց վրա, ոչ այնքան յուր սեփական օգտի համար, որքան մեր անդորրության և բարօրության և Բրիտանիայի սուրբ կրոնը և եկեղեցին պաշտպանելու համար...»:

«Պարսիկները մտնելով Ռուսիո կայսրության սահմանները և խույս տալով ռուսական սահմանապահ զորքերից, ավազակաբար հարձակվում են գյուղերում առանց ամենայն նախազգուշության բնակվող հայոց վրա, նոցա գերի են տանում և անողորմաբար տանջում»:

Աշտարակեցին սիրտ էր տալիս, քաջալերում և հորդորում. «Մի՛ վախեցեք պարսից ձայնից և աղաղակներից: Նոցա ուժը ճի և սպառնալիքի մեջ է և ոչ թե ճշմարիտ գործության և խելացիության»:

Արիացե՛ք, մի՛ վախեք: Նոցա հանկարծակի հարձակումը անգնեք և խաղաղ շինականաց վրա՝ չէ կարող սատանեցնել Ռուսիո օգուտաւիտ կայսեր անհաղթելի զորաց: Հաստա՛տ մնացեք ձեր հավատարմության մեջ: Աշխատեցե՛ք խոհեմությամբ անմահացնել և փառավորել ձեզ և ձեր նախնաց հիշատակը ցկատարած աշխարհի...

Դիմադրեցե՛ք թշնամուն և սորա արբանյակներին, կա՛մ ռուսաց զորքերի հետ միա-

<sup>6</sup> Գ. Ա. Գալոյան, Ռուսաստանը և Անդրկովկասի ժողովուրդները, Երևան, 1978, էջ 185—186:



սին և կա՛մ թե մի ուրիշ կերպ... Իսկ եթե հարկ լինի՝ մի՛ խնայեք ձեր արյան վերջին կաթիլը»:

**ԱՇՏԱՐԱԿԵՑԻՆ ԵՎ ՀԱՅԱՍՏԱՆ  
ԿԱՄԱՎՈՐԱԿԱՆ ԳՆՎԵՐԻ  
ԿԱԶՄԱԿԵՐՊՈՒՄԸ**

1826 թվականի աշնանը ռուսական զորքերը փայլուն հաղթանակներ են տանում հայերի, վրացիների և ադրբեջանցիների ակտիվ մասնակցությամբ Անդրկովկաս ներխուժած պարսկական բռնակալների դեմ:

Օրակարգի վրա էր դրված Երևանյան արշավանքը, որը նախապատրաստվում էր ամենայն մասամբ:

1826-ի վերջերին և 1827-ի սկզբներին Երևանյան արշավանքի նախապատրաստությունը մեծ ոգևորություն էր ստեղծել մանավանդ հայերի մեջ:

Դա փրկարար արշավանք էր համարվում, որը վերջ պետք է դներ Հայաստանի ազատագրությանը պարսկական դաժան լծից:

Ներսես Աշտարակեցին առաջիններից մեկը եղավ, որ խոսքից անցավ գործի: Նա մինչև ռուսական բանակի ժամանումը, Թիֆլիսում և այլ քաղաքներում Հարություն վարդապետ Ալամդարյանի գործակցությամբ կազմակերպեց հայկական կամավորական ջոկատներ, որոնք հերոսաբար դիմադրում են պարսկական հարձակումներին և ապա մասնակցում Երևանյան արշավանքին:

Հայկական կամավորական այդ ջոկատները ունեին իրենց առանձին կանոնադրությունը, ազգային դրոշակ և հայ հրամանատարներ:

Կամավորական ջոկատների մեջ ընդունվում էին 17—30 տարեկան հայրողիներ, իրենց ազատ կամքով: Նրանք երգվում էին հավատարմորեն ծառայել մինչև պատերազմի վախճանը:

1827 թվականի մարտին Թիֆլիսում կազմվում է հալ կամավորների առաջին ջոկատը: Մայիսին կամավորական ջոկատներում ցուցակագրվել էին 600 մարդ: Մինչև Երևանյան արշավանքը կամավորական զնդերում ծառայող հալ երիտասարդների թիվը հասնում է 12.000: «Ռուսական ջոկատներում մասնակցում էին հայկական մի քանի դրոժիմաններ, թվով 12.000 մարդ, որոնց առաջնորդում էր Ներսես արքեպիսկոպոս Աշտարակեցին»<sup>7</sup>:

Հայ կամավորական զնդի կազմակերպու-

մը ունեցավ համազգային և պետական մեծ նշանակություն: Այն արժանացավ նաև Ռուսական կառավարության բարձր գնահատանքին և խրախուսանքին:

1827 թվականի մարտին արդեն պատրաստ էր Աշտարակեցու կազմած հայագունը, Երևանի վրա գնալու համար:

Մարտի 30-ին Թիֆլիսում կատարվում է հանդիսավոր գորահանդես: Աշտարակեցին ձիու վրա նստած, «սրտաշարժ ճառով ոգեվորեց յուր զինվորներին, օրհնեց և հրամայեց անցնել յուր առաջ քանի մի անգամ ռազմավար ձևով: Տեսարանը սքանչելի էր: Անեզարդ եպիսկոպոսիս «ապրի՛ք, քաջեր, շնորհակալ եմ՝ ձայն տալուն՝ երաժշտությամբ անցնող գունդը պատասխանում էր «կեցցե»-ներով և «ուռա»-ներով և հայ զինվորաց աղաղակին խառնվում էր բազմաթիվ հանդիսատես ժողովրդի հրճվանաց ձայնը»<sup>8</sup>:

Աշտարակեցին իր հայրենասիրական զործունեության համար արժանանում էր կապի մասնավոր երախտագիտության: Այս առթիվ կայսերական հրովարտակր մեծ հանդիսությամբ կարդացվում էր Թիֆլիսի Վանքի եկեղեցում, ուր և խանդավառ ճարով հանդես է գալիս Աշտարակեցին:

1827 թվականի մայիսի 15-ին, Երկրորդ Ծաղկազարդի օրը, Վանքի Մայր եկեղեցում տեղի է ունենում զորքերի ու «Հայոց զինվորության ինքնակամ-կամավորական-զնդի» երդման հանդիսավոր արարողությունը, բազում ռուս զորավարների ներկայությամբ և Աշտարակեցու նախագահությամբ, ինչպես նաև դրոշակների օրհնությունը:

1827 թվականի ձմռանը Աշտարակեցին անթիվ նամակներով ավետում էր ողջ հայության Հայաստանի ազատագրության լուրը. «Հասավ ժամը,—գրում էր նա,— երբ աչքով պիտի տեսնենք Արարտյան աշխարհի և հայոց ազգի ազատությունը: Հասավ ժամը, երբ Մար Աթոռը պիտի վերականգնե յուր վաղեմի անկախությունը: Ռոքի՛ կանգնեք, հալո՛ց քաջեր, թոթափե՛ք պարսից լուծը, ուրախացե՛ք այնպիսի Մասիսին, մի անգամ սրբունով ներկե՛ցեք հարենի հողերը և ապա ապրե՛ք ազատ... ժամ է՝ արդեն, օ՛հ անդր, հիմա՛ կամ երբե՛ք»:

1827 թվականի գարնանը ռուսական բանակն ու հայագունը անցնում էին հարձակման:

Աշտարակեցին «արշավանքների ժամանակ լինում էր ռուսական զնդերում, ուղեկ-

<sup>7</sup> Նույնը, էջ 195:

<sup>8</sup> Ալեքսանդր Դ. Երիցյանց, Ամենայն Հայոց Կաթողիկոսություն և կովկասահայք, Թիֆլիս, 1894, մասն Ա, էջ 271—272:



ցում նրանց և դժվարին պայմաններում գործում անձամբ»<sup>9</sup>:

Հայ կամավորական գունդը բոլոր ճակատամարտերում միշտ բարձր պահեց իր անունն ու փառքը:

Աշտարակեցին հոգում էր նաև ռուսական բանակի պարենավորման կարևոր գործը:

#### ՕՇԱԿԱՆԻ ՀԵՐՈՍԱԿԱՆ ՃԱԿԱՏԱՄԱՐՏԸ

1827 թվականի հունիսի 8-ին, Էջմիածինը գրավվում է ռուսական բանակի կողմից: Պարսիկները մեծ պարտություն են կրում: Մայր Աթոռի միաբանությունը եկեղեցական թափորով և Մայր տաճարի զանգերի դողանքի ներքո դիմավորում է հաղթական զորքին: Ռուսական բանակի հետ էր նաև Աշտարակեցին, իր 1200 հայ կամավորներով:

1827 թվականի օգոստոսի 15-ին Արբաս-Միրզան 30 հազար զորքով, Սարդարապատի ուղղությամբ Արաքս գետը անցնելով, հարձակվում է Էջմիածնի վրա, որտեղ մի գումարտակ էր թողնվել Էջմիածնի պաշտպանության համար: Գումարտակի զինվորներից 700 հոգի ծանր վիրավորներ էին, որոնք վայելում էին միաբանության և ժողովրդի սրտաբուխ հոգածությունը:

Երևանյան արշավանքի մասնակից, գեներալ Կրասովսկին վկայում է, որ «Արբաս-Միրզայի գլխավոր մտադրությունն էր, Էջմիածինը նվաճելով, այն հիմն ի վեր ապրի... հետո... բոլոր ուժերով Գյումրիի վրայով ներխուժի Վրաստան... և որից հետո Դարաբաղի նահանգի միջով Ադրբեջան վերադառնա»<sup>10</sup>:

Մայր Աթոռի վրա ծանրացել էր իրական վտանգի մղձավանջը:

Բայց, հակառակ ծանր կացության, Էջմիածնում ռուսական գումարտակը և հայ կամավորները հերոսական դիմադրություն են ցույց տալիս թշնամուն: Աշտարակեցին դիմում է գեներալ Կրասովսկուն, որը Արագածի լանջերից օգնության է հասնում Էջմիածնի ռուսական կայազորին: Գեներալ Կրասովսկու փոքրաթիվ զորքի մեջ սկսել էր համաճարակ, Երևանյան արշավանքի նախօրյակին անտանելի շոգի և խմելի ջրի բացակայության պատճառով:

Օգոստոսի 17-ին, «դաժան մարտերի օրը», Օշական գյուղի մոտ պարսկական զորքերը գերազանց ուժեղով հանկարծակի շրջապատում են ռուսական զորքերին: Արբաս-Միրզան առաջարկում է Կրասովսկուն և Աշտարակեցուն հանձնվել: Նրանք մեր-

ժում են այդ առաջարկը և քաջությամբ ընդունում՝ անավոր և անհավասար մարտը: «Մահը գերադասում ենք ամոթալի գերությունից»: Սկսվում է անհավասար, արյունոտ ճակատամարտը: Ռուսները կռվում էին գերազանց քաջությամբ և անձնվիրաբար: Կտրում-անցնում են պարսիկների պաշարման երկաթե աքցանը, 1131 զոհ տալով, իսկ պարսիկների կորուստները շատ ավելի մեծ էին<sup>11</sup>:

Օշականի ճակատամարտով փրկվում է Մայր Աթոռ ս. Էջմիածինը: Միաբանությունը Աշտարակեցու գլխավորությամբ, եկեղեցական թափորով և զանգերի հաղթական դողանքով դիմավորում է դարձյալ իր ազատարարներին:

Օշականի հաղթական ճակատամարտի հիշատակին 1834 թվականի օգոստոսին Էջմիածնից 4 կմ հեռավորության վրա, Օշականի ճանապարհի եզրին, Աշտարակեցու ջանքերով և Մայր Աթոռի միջոցներով կանգնեցվում է մի կոթող, որպես հայ ժողովրդի և Մայր Աթոռի երախտագիտության կենդանի խոսք, հայ-ռուս ժողովուրդների բարեկամության խորհրդանշան՝ հավերժացնելու համար Օշականի ճակատամարտում զոհված ռուս զինվորների և հայ կամավորների հիշատակը (Տես այս մասին Վեհափառ Հայրապետի խոսքը հոկտեմբերի 3-ին, Էջմիածնի հուշարձանի առաջ արտասանած, «Էջմիածին» ամսագիր, սույն համար, էջ 10): Օշականի ճակատամարտի մասին տես նաև պրոֆ. Մ. Գ. Ներսիսյանի բովանդակալից հոդվածը՝ «Ленный первоисточник об Ошаканской битве», Պատմա-բանասիրական հանդես, 1978, № 1, էջ 241—243):

#### ԵՐԵՎԱՆԻ ԳՐԱՎՈՒՄԸ

Օշականի ճակատամարտը վճռական նշանակություն է ունենում ռուսական զորքերի Երևանյան արշավանքների հաջողության համար:

Արբաս-Միրզան, պարտվելով Օշականի ճակատամարտում, խուսափում է նոր և անհաջող կռիվներից և իր զորքերով անցնում է Արաքսի աջ ափը:

Սեպտեմբերի 13-ին ռուսական զորքերը պաշարում են Սարդարապատի բերդը: Այն գրավվում է 1827 թվականի սեպտեմբերի 20-ին: Սարդարապատում պաշարված հայերը, Աշտարակեցու կոչով, բացում են բերդի դռները ռուսների առաջ և ստիպում Հասան խանին անձատուր լինել:


1827 թվականի սեպտեմբերի 23-ին ռուսական զորքերը կանգնել էին արդեն Երե-

<sup>9</sup> Գ. Ա. Գալդյան, նույնը, էջ 195:

<sup>10</sup> Նույնը, էջ 197:

<sup>11</sup> Նույնը, էջ 197:





Երևանի քերդի հանձնումը. 1827 թ. հուլիս 7  
(գործ՝ մկարիչ Մաշկովի)



վանի բերդապարիսպների տակ: Ռուսական զորքերի հետ այստեղ էր մահ Աշտարակեցին, իր կամավորական ջոկատով:

Սեպտեմբերի 24-ին սկսվում է Երևանի բերդի պաշարումը:

Պարսիկները բռնի կերպով Երևանի բերդը էին տարել Արարատյան դաշտից բազմաթիվ հայ ընտանիքներ, ինչպես մահ Մայր Աթոռի միաբանության մի մասը:

Աշտարակեցին իր կապավորների միջոցով կապ էր հաստատել դժբախտ բանտարկյալների հետ և նրանց միջոց հոսանքում և քաջալերում էր շուտափույթ ազատության մասին, թելադրելով ապստամբվել պարսիկների դեմ և բանալ բերդի դռները:

Աշտարակեցին հայրենասիրական կոչեր էր ուղարկում Էջմիածնի, Օշականի, Աշտարակի հայությանը՝ անհապաղ օգնելու ռուսական բանակին:

«Գրում եմ բազմաթիվ օրհնություններով, որպեսզի գրությունս ստանալուն պես, առանց բույե կորցնելու, թողնեք ձեր տանը և ընտանիքին վերաբերող բոլոր կարևոր գործերը, թվանք ունեցող և չունեցող և հետևակ կտրիճ տղաներ շատ հավաքել և այսօր, սեպտեմբերի 28-ին, չորեքշաբթի օրը, մինչև արեգակի մայր մտնելը հասցնել այստեղ մեզ: Եվ եթե ձեզանց որևէ մեկը ծուլանա և ուշանա, այդպիսին թող իմանա, որ թեկուզ իմ աչքի լույսը լինի, չեմ խնայի հանել և դեմ նետել»:

Սեպտեմբերի 30-ի գիշերը 40 թնդանոթ մինչև լույս ութնակոծում են բերդը, քանդում պարիսպները: «Երևանի բերդը ծխումը կորավ: Հինգ օր, հինգ գիշեր սառ ու ձոր դարձրեց, դժբախտում էր... Էնքան թոփի գյուլա էր գլխին ու սրտին դիպել, հոգին բերանը հասցրել», գրում է Արթուրյանը:

Հոկտեմբերի 1-ին, առավոտյան ժամը 8-ին, ռուսական զորքերն ու հայ կամավորական ջոկատը հաղթականորեն մտնում են Երևանի բերդը: Վերջապես ընկնում է Հայաստանում պարսկական դարավոր բռնակալության վերջին և ամենակարևոր հենակետը:

Ժողովուրդը պահանջում էր Աշտարակեցուց հոկտեմբերի 1-ը հայտարարել ազգային տոն, որպես Հայաստանի փրկության օրը:

Երևանի բերդի ավելի քան 3 հազարանոց պարսկական կապազորը, Աբբաս-Միրզայի գվարդիական գումարտակը, Հասան խանը, բերդի պարետ Ավա Ղուլի խանը, Մասանդի, Այրումի, Թավրիզի և այլ խաները գերի են վերցվում, և գրավվում է մեծ ռազմավար<sup>12</sup>:

«Նշանավոր Երևանը,—գրում էր ցարին գլխավոր հրամանատար Ի. Ֆ. Պասկևիչը,—որի նվաճումը, ինչպես կարծում էին, պետք է կատարվեր արյան գետերի գնով, ռուսական հաղթական զենքի առաջ ընկավ առանց մեր կողմից մեծ զոհողությունների... Ամբողջ պաշարման ժամանակ ռուսներից սպանվել է 52 մարդ, երկու սպա վիրավորվել է, մեկը՝ սպանվել»<sup>13</sup>:

Երևանի բերդի գրավումը և հայոց մայրաքաղաքի ազատագրումը պարսկական դարավոր լծից համարվում էր Հայոց աշխարհի ազատության խորհրդանշան: Այն ժամանակ հայրենասիրական, քաղաքական, տնտեսական մեծ նշանակություն ուներ հայ ժողովրդի համար, որը օրհնանքի խոսքերով և երջանկության արցունքներով էր դիմավորում իր ազատարարներին:

Նաչատուր Արթուրյանը իր «Վերք Հայաստանի» վեպում, նկարագրելով Երևանի Սարդարի բերդը, որպես մի հրեշավոր տանջարան հայ ժողովրդի համար, գրում էր. «Դժոխքի քանդվող մեղավորների համար էս գինը չ'ը ունենալ, ինչպես Երևան բերդի առնիլը հայերի համար»: Ռուսական զորքերը, հայ կամավորները «մուտան բերդը», վկայում է Արթուրյանը, «որ Հայոց աշխարհի ազատության տունը կատարեն»:

Երևանում արշավանքի մասնակից դեկաբրիստ Ե. Լաչինովը, որը աչքի էր ընկել և՛ Օշականի ճակատամարտում, և՛ Երևանի բերդի գրավման ժամանակ մարտական իր քաջագործություններով, որպես ականատես վկայում է. «Աննկարագրելի են ուրախության այն արտաշաքժ տեսարանները, որոնցով հայ ընտանիքները դիմավորում էին մեզ, երբ մենք բերդը մտանք... իսկ Երևանում հայ բնակիչները ռուս զինվորներին հուրասիրում էին սպիտակ և դեղնա տաք հացով ու գինով... հուզիչ էր ազատագրված հայերի հրճվածքը, որ նրանք արտահայտում էին հոգով ու սրտով...»:

1827 թվականի հոկտեմբերի 12-ին Թիֆլիսից հայրենասեր Հարություն վարդապետ Այսմդարյանը, Մոսկվայի Լազարյան ճեմարանի նախկին դասախոս, 1824—1828 թվականներին Թիֆլիսի Ներսիսյան հոգեվոր դպրանոցի տեսուչ, գրում էր Աշտարակեցուն, Երևանի գրավման առթիվ. «Ընդհանրապես եմ Հայաստան աշխարհի փրկությունը, անգույթ պարսիկների երկաթե հնցից»:

Կալկաթայից Մեսրոպ Թադիադյանը, շնորհավորելով երևանցիների ազատագրությունը, գրում էր. «Աչքներդ լույս, որ մեր

<sup>12</sup> Նույնը, էջ 200:

<sup>13</sup> Նույնը, էջ 199—200:



քաղցր աշխարհքն պարսից դառն չարչարանքիցն ազատվեց... երբ որ լսեցի ներկա մեր աշխարհի ազատությունն, սիրտս ուրախությամբ վառվեց»:

Բովանդակ հայ ժողովուրդը ամեն տեղ, բոլոր գաղթօջախներում խանդավառության և երախտագիտության անխառն զգացմունքներով ողջունեց Երևանի գրավումը:

Խաչատուր Աբովյանը առաջինն էր, որ հայության սրտագին զգացմունքներն էր արտահայտում այս առթիվ գրելով. «Օրհնելի էն սհաթը, որ ռսի օրհնած ոտը Հայոց լիս աշխարհը մտավ, ու դալբաշի անիծած չար շունչը մեր երկրից հալածեց»:

Ե. Լաչինովը իր գրառումներում նշել է դարձյալ. «Հուզիչ է ազատագրված հայերի հիացմունքը՝ սրտաբոխն են այն արտահայտությունները, որոնց միջոցով նրանք դրսևորում են այդ հիացմունքը, իրենց երկիրը նմանեցնելով այն ազատ տանը, որ այժմ ամեն ինչ համակված է բերկրանքով: Նրանք պատմում են, թե հնուց ի վեր մահացող հայերը իրենց զավակներին կտակել են զանգերի ուրախ դողանքով գերեզմանում իրենց լուր հայտնել, երբ հայերի համար կծագի երջանկության արևը, երբ ռուսները կազատագրեն նրանց ծանր լծից և ի մի կհավաքեն Հայաստանի աղետալի ցրված զավակներին. և նրանց համար հասել է այս բաղձալի ժամը և ազատարարներն այցելում են մահացածների գերեզմաններն ու նրանց ազդարարում կենդանի մնացածների բարեբախտության մասին»<sup>14</sup>:

«Իզուր կփորձեի նաև պատկերել ազատարարներին ուղղված նրանց ուրախության և երախտագիտության սրտաշարժ նշանները, այլևս չխոսելով տղամարդկանց մասին, որոնք մոտենում էին մերոնց, խոնարհվում, խաչակնքում էին և ամեն կերպ արտահայտում իրենց շնորհապարտությունը, և կանայք այդ պահերին մոռանալով փաթաթվել իրենց ծածկոցների մեջ, բառերով ու նշաններով ջանում էին նույնն ասել, մարդկանց կողմից սահմանված պատշաճությունները կորցնում են իրենց իշխանությունը, երբ սիրտն է խոսում...»

Նրանք իրենց հանձնել են մեր պաշտպանությանը, մենք տեսել ենք նրանց լիակատար վստահությունը դեպի ռուսական բնավորությունը...»<sup>15</sup>:

Հոկտեմբերի 2-ին, կիրակի օրը, Երևանի պարիսպի առաջ Պասկևիչի և բոլոր ռուսական բանակի ներկայությամբ Աշտարակեցին մեծ հանդեսով գոհաբանական մաղթանք է կատարում... մինչ թնդանոթները

ավետում էին Էջմիածնի և Երևանի հայկական նահանգների կազմությունը ռուսական հովանավորության և տիրապետության ներքո, և կայսրի անվան ու տիտղոսների վրա ավելանում էր նաև Հայաստան անունը:

Երևանի գրավումից հետո Էջմիածնի և Երևանի համար կազմվում էր ժամանակավոր երկրամասային մի վարչություն, Աշտարակեցու բարեկամ, զորավար Կրասովսկու գլխավորությամբ: Երկրամասային այդ վարչությանը մասնակցում էր նաև, որպես խորհրդական, Աշտարակեցին:

Երևանի գրավումը նոր փառք և անուն բերեց Աշտարակեցուն:

1828 թվականի հունվարի 26-ին Աշտարակեցին Նիկոլայ Ա. կայսրի կողմից պարգևատրվում էր Ալեքսանդր Նևսկու առաջին կարգի շքանշանով:

Այս առթիվ Աշտարակեցուն ուղղած իր ուղերձում կայսրը նշում էր. «Վաղուց ի վեր և շատ դեպքերում Դուք ցույց եք տվել Ձեր անկեղծ ջերմեռանդությունը դեպի Ռուսիան և մանավանդ Պարսկաստանի հետ ներկա պատերազմի ժամանակ... Դուք մեր զորքերի հետ բազմիցս մասնակցեցիք մարտերին՝ վտանգի ենթարկելով Ձեր անձը...»:

1828 թվականի փետրվարի 10/24-ին Թուրքմենչայի դաշնագրով ավարտվում էր Ռուսաստանի և Պարսկաստանի միջև սլավոնապետը:

Այդ դաշնագրով Ռուսաստանին են միացվում Երևանի և Նախիջևանի խանությունները:

Դաշնագրի 15-րդ հոդվածով Պարսկաստանի հայությանը թույլատրվում է մեկ տարվա ընթացքում ներգաղթել հայրենիք:

Թուրքմենչայի դաշնագրի կնքումը սկրզբունքային նշանակություն ուներ հայ ժողովրդի համար... պայմանագրի սկզբնական նախագծում, որը մշակվել էր Պետերբուրգում, Հայաստանի մասին պայմաններ չէին նշված: Այդ պայմանները առաջադրվել էին Ներսես Աշտարակեցու կազմած «Գրառումներ հայերի մասին հաշտության բանակցություններում մտցնելու համար» փաստաթղթերում»<sup>16</sup>:

Աշտարակեցու առաջադրանքները Թուրքմենչայի դաշնագրի կնքման բանակցություններում վճռական աշխատանք կատարող Աշտարակեցու և հայ ժողովրդի անկեղծ բարեկամ Ա. Ս. Գրիբոյեդովը ջերմորեն պաշտպանում էր:

«Թուրքմենչայի համաձայնագրի այն հոդվածները, որոնք պաշտպանում էին հայ ժողովրդի շահերը, հենց նրա (Ա. Ս. Գրիբոյեդովի) շահերը, հենց նրա (Ա. Ս. Գրիբոյեդովի) շահերը, հենց նրա (Ա. Ս. Գրիբոյեդովի) շահերը, հենց նրա (Ա. Ս. Գրիբոյեդովի) շահերը»:

<sup>14</sup> Նույնը, էջ 202:

<sup>15</sup> Նույնը, էջ 213:

<sup>16</sup> Նույնը, էջ 206, 207:



յեղովի) կողմից «Էին կազմվել»<sup>17</sup>, Աշտարակեցու խնդրանքով և առաջարկով:

Պարսկական կողմը հաճությամբ չէր նայում իր երկրից հայերի ներգաղթին դեպի Հայաստան: Անհերքելի բազում փաստեր կան, որոնք վկայում են, թե պարսկական իշխանությունները մեծ արգելքներ էին հարուցում պարսկահայերի ներգաղթի դեմ:

Պարսկահայերի ներգաղթը կազմակերպելու առթիվ հաստատված հանձնաժողովի անդամ, հայազգի գնդապետ Լազարյանը վկայում է.

«Չնայած այս բոլոր խոչընդոտներին, ավելի քան 8 հազար հայ ընտանիքներ իմ կողմից տեղափոխվեցին ռուսական տարածք՝ մոտերս նվաճված Հայկական մարզ: Հատերը անկեղծորեն ցանկանում էին տեղափոխվել, բայց նրանց ամբողջ ունեցվածքը կազմված էր տներից, պտղատու այգիներից և հիանալի մշակված դաշտերից... Պարսկական կառավարությունը գաղտնի կերպով արգելել էր իր հպատակներին գնելու այդօրինակ ունեցվածքները և ենթադրում էր դրանով հայերին պահել իրենց տեղերում: Իսկ եթե, չնայած դրան, նրանք ցանկանան տեղափոխվել, ապա կառավարությունը նրանցից հետո մնացած անշարժ գույքը կստանա ձրի»:

Պարսկական որոշ շրջանակներ «... մեծագույն աստվածություն էին տածում դեպի վերաբնակվողները, նրանց ուղեկցում հայհույանքներով, իսկ մի շարք տեղերում՝ մույնիսկ քարկոծում... Կառավարությունը ոչ մի ուշադրություն չէր դարձնում իր հպատակների կատաղի արարքների վրա, թերևս հույս ունենալով, թե դա կարսափեցնի հայերին և նրանց ետ կպահի տեղափոխվելուց...»: Միաժամանակ Լազարյանը ընդգծում էր, որ «հայերը աննկարագրելի ցրնծությամբ և մեծ վստահության դրսևորմամբ» ընդունեցին ռուսական ներկայացուցիչներին: Պարսկական իշխանությունները հայերին ահաբեկում էին, թե Ռուսաստանում նրանց ճորտեր կդարձնեն, իսկ երիտասարդությանը բանակ կքշեն»:

«...Դեպի Ռուսաստան հայերի տեղափոխումը կազմակերպելու, ինչպես նաև Պարսկաստանում նրանց շահերը պաշտպանելու գործում մեծ դեր խաղաց Ա. Ս. Գրիբոյեդովը: Իր նամակներից մեկում նա հայտնում էր. «Մեզ մոտ են անցել 8000 հայ ընտանիքներ, և ես այժմ նրանց թողած ունեցվածքի պատճառով զիջել ու զօր հանգիստ չունեմ, պահպանում եմ նրանց ունեցվածքը և մույնիսկ եկամուտները. ամեն

ինչ մի կերպ արվում է ըստ իմ ասածի»<sup>18</sup>:

Թուրքմենչայի դաշնագրով 40.000 պարսկահայ գաղթականներ (ավելի քան 8.000 ընտանիք) հաստատվում են Հայաստանում, հիմնականում Երևանում, Նախիջևանում և Ղարաբաղում:

Պարսկահայության ներգաղթը հայրենիք հայրենասիրական, քաղաքական, տնտեսական մեծ նշանակություն ունեցող նախաձեռնություն էր, որի իրականացման գործում դարձյալ մեծ դեր կատարեց Աշտարակեցին, Հայաստանը հայերով վերաբնակեցնելու ուղղությամբ:

Պարսկահայերի ներգաղթի կազմակերպումը հնարավորություններ տեղծեց վերականգնելու Հայաստանի քայքայված տնտեսությունը:

Պարսկահայերի ներգաղթը կազմակերպելու համար Աշտարակեցու առաջարկով հաստատվում է մի հանձնաժողով, որի կազմում էին Մայր Աթոռի ներկայացուցիչներ Ստեփանոս եպիսկոպոսն ու Նիկողոս վարդապետը, ինչպես նշվեց նաև՝ հայազգի գնդապետ Լազարյանը:

1828 թվականի գարնանը սկսվում է պարսկահայերի ներգաղթը Թավրիզի, Մալուի, Սալմաստի, Ուրմիայի, Խոյի գավառներից:

Պարսկահայությունը ազատագրված Հայաստանում, փրկվելով պարսկական գերությունից, հայրենի հողում ձեռնամուխ է լինում ստեղծագործ, շինարար աշխատանքի:

Այս հողվածի նպատակից դուրս է խոսել Ներսես Աշտարակեցու Թիֆլիսի, Բեսարաբիայի առաջնորդական պաշտոնավարությանը, նրա կրթական-մանկավարժական բեղում գործունեության, Ներսիսյան հոգևոր դպրանոցի հաստատման (1816՝ ուսումնական նոր շենքի կառուցումը և բացումը՝ 1824) և 1843—1857 թվականների հայրապետական գործունեության մասին, որպես Ամենայն Հայոց կաթողիկոսի<sup>19</sup>:

1857 թվականի փետրվարի 13-ին Թիֆլիսում, 87 տարեկան հասակում, կեցիքից հեռացավ, իր գրասեղանի առաջ նստած, գրիչը ձեռքին, կաթողիկոսական իրավունքների մասին ներքին գործոց նախարարին պաշտոնական մի նամակ գրելիս, մահանում էր Աշտարակեցին:

Փետրվարի 27-ին ս. Էջմիածնի Մայր տաճարում կատարվում էր մեծահուն և հայրենասեր Հայրապետի վերջին օծումը:

Աշտարակեցու անունը ամփոփվում է

<sup>18</sup> Նույնը, էջ 208:

<sup>19</sup> Այս մասին տես Ա. Հատիսյան, Ներսես Ե Աշտարակեցի, «Էջմիածին» ամսագիր, 1970, № 6, էջ 22—40:

<sup>17</sup> Նույնը, էջ 207, 208:





Թուրքմենչայի դաշնագրի ստորագրումը  
(Ղարաբաղ, 1928 թ. փետրվար 10. գործ՝ նկարիչ Մաշկովի)



Մայր տաճարի զանգակատան հարավային կողմում, Դանիել կաթողիկոսի շիրմի մոտ: Աշտարակեցու շիրմի վրա կա հետևյալ տապանագիրը.

**«Պաշտպան հայրենեաց  
կաթողիկոս Ամենայն Հայոց  
Ներսես Ե Աշտարակեցի,  
ծնեալ ի 18 փետրուարի 1761  
վախճանեալ ի 18 փետրուարի  
1857»:**

(Ըստ վերջին ուսումնասիրությունների Աշտարակեցին ծնվել է 1770 թվականին):

1907 թվականին Աշտարակեցու շիրմի կողքին է թաղվում Նուագող վշտին Հայրենեաց մեծ Խրիմյանը:

«Ներսես մեծ ազգասեր մը հայտնված էր, իր ժամանակին ամենամեծ ազգային դեմքը, մեծ շինարար մը հանդիսացած էր ելևտապետ հանճարով, անխոնջ աշխատանքով. մեծ հառաջադիմական մը ճանչցված էր դաստիարակության, կրթության և ուսման և գիտության համար ցուցած ջանքովը և մշակակալի արդյունքով. մեծ բարեկարգիչ մը եղած էր գեղծումներու և անկարգություններու դեմ անաչառ պայքարով և ամեն կողմ կարգ ու կանոնի համար գործածած ճիգերով...»<sup>20</sup>:

<sup>20</sup> Մաղաքիա արքեպիսկոպոս Օրմանյան, մույնը, էջ 3765:

«Բազմակողմանի, զարմանալի եռանդով էր այս հոգևորականի երկարատև գործունեությունը: Նա մի հասարակ առաջնորդ չէր, լոկ եկեղեցական գործերով հետաքրքրվող, այլ աչքի ընկնող քաղաքական գործիչ:

ԺԸ դարում մենք ունեինք մի քանի հոգեվորական քաղաքագետներ. այսպես են՝ Օրիի ընկեր Մինաս վարդապետը և Գանձասարի Եսայի կաթողիկոսը... ԺԹ դարում Ներսես Աշտարակեցի կաթողիկոսը և Ներսես Վարժապետյան պատրիարքը»<sup>21</sup>:

1970 թվականին Մայր Աթոռում, Ամենայն Հայոց կաթողիկոսի կարգադրությամբ, մեծ հանդեսով կատարվեց Աշտարակեցու ծննդյան 200-ամյակը: 1970 թվականի փետրվար 13 թվակիր Իր բովանդակալից կոնդակում Նորին Սուրբ Օծությունը գրում է Աշտարակեցու մասին.

«Հերոսական մաքառումներու այդ դարաշրջանի սեմին, մեր առջև կբարձրանա պայծառ ու հզոր իմացականությունը Հայրապետի մը, որ գիտցավ ս. Էջմիածնի ոգեկան կատարներուն հասնիլ և այդ բարձունքեն լուսավորել հոգևոր-ազգային վերածննդի ճամփան, առաջնորդելով իր ժողովուրդը այդ լույսով»:

<sup>21</sup> Լեո, Հովսեփ կաթողիկոս Արղության, Թիֆլիս, 1902, էջ 18:

